

5.ՍՈՑԻԱԼ–ԺՈՂՈՎՐԴԱԳՐԱԿԱՆ ՀԱՏՎԱԾ

5.1.Ժողովրդագրություն¹⁸

Ծրագրով նախատեսված սույն ենթահատվածի թվով 19 վիճակագրական աշխատանքների (511001-511008, 512001-512006 և 513001-513005 ծածկագրեր) կատարումն ապահովվել է ամբողջությամբ՝ սահմանված ժամկետներում և պարբերականությամբ: Շարունակվել են բնակչության բնական շարժի, միգրացիայի, սեռատարիքային կազմի հաշվարկի, ծնելիության և մահացության ցուցանիշները բնութագրող ելքային աղյուսակների ստացման համակարգի լրամշակման աշխատանքները:

Քաղաքացիական կացության գրանցման մահվան ակտերից՝ մահացության պատճառական կառուցվածքի վերաբերյալ վիճակագրական տեղեկատվության ստացումն ըստ Հիվանդությունների միջազգայն դասակարգման 10-րդ վերանայման (ՀՄԴ-X) ապահովելու համար, 2004թ. հունվարից աշխատանքներ են տարվել, նախկինում ՀՄԴ-IX հիման վրա աշխատող, «Բնակչության բնական շարժի–EDN» կոմպլեքսի մուտքագրման կառուցվածքում համապատասխան անցումներն ապահովելու և տեղեկագիրը վերակառուցելու համար:

2004թ. հունվարի 1-ի դրությամբ անց է կացվել հանրապետության գյուղական բնակչության սեռա-տարիքային կազմի հաշվառում: Հաշվառման արդյունքներով Ձև թիվ 9-Ս պետական վիճակագրական հաշվետվություններ են ստացվել բոլոր գյուղական (870) համայնքներից: Դրանցում ամփոփվել են համայնքներում տնային տնտեսությունների քանակի, առկա և մշտական բնակչության թվաքանակի՝ ըստ առանձին տարիքների և տարիքային խմբերի, տնային տնտեսությունների զբաղված անդամներից՝ գյուղատնտեսական և այլ ոլորտներում զբաղվածների թվաքանակի վերաբերյալ ցուցանիշները: ՀՀ ԱՎԾ մարզային գործակալությունների կողմից ներկայացվել են նաև բոլոր գյուղական բնակավայրերի հիմնական ցուցանիշները բնութագրող ամփոփ տեղեկագրեր, տարածաշրջանային կտրվածքով:

Ձև թիվ 9-Ս վիճակագրական հաշվետվության մեքենայական մշակման արդյունքում ստացվել են՝ գյուղական առկա և մշտական բնակչության թվաքանակի, սեռա-տարիքային կազմի, տնային տնտեսությունների թվի և հանրապետության մարզերի և տարածաշրջանների բաշխումը բնութագրող ելքային աղյուսակներ:

Գյուղական բնակչության սեռա-տարիքային կազմի հաշվառման արդյունքներով պատրաստվել է հանրապետության գյուղական համայնքների (բնակավայրերի) ցանկն ըստ մարզերի և բնակչության թվաքանակի, որն ի կատարում «ՀՀ 2005թ. բյուջետային գործընթացը սկսելու մասին» ՀՀ վարչապետի 30.12.2003թ. թիվ 684-Ն որոշման, ներկայացվել է ՀՀ ֆինանսների և էկոնոմիկայի նախարարություն:

Ամսական պարբերականությամբ ՀՀ արդարադատության նախարարության ԲԿԱԳ-ի տարածքային բաժիններից ստացված ծննդյան, մահվան, ամուսնության, ամուսնալուծության ակտերի մշակման արդյունքում ստացվել են ամենամսյա

¹⁸ Տես՝ Ծրագիր, Հավելված I:

օպերատիվ տվյալներ հանրապետության մարզերի և տարածաշրջանների բաշխումով, որոնց հիման վրա ստացվել են բնակչության բնական շարժը բնութագրող ցուցանիշների վերաբերյալ տարեկան վիճակագրական ցուցանիշները: 2003թ.-ի 12 ամիսների ընթացքում, ինչպես նաև 2004թ. հունվար ամսին ստացված, սակայն ծննդյան կամ մահվան փաստացի ժամկետով 2003թ-ին տեղի ունեցած ակտերի մշակման արդյունքում ամփոփվել են 2003թ. բնական շարժի վերաբերյալ վերջնական տարեկան վիճակագրական ցուցանիշները, իսկ մեքենայական բազային ցուցանիշների խմբագրման արդյունքում ստացվել են ելքային ցուցանիշները (22 ելքային աղյուսակներ):

ՀՀ ոստիկանության տարածքային անձնագրային բաժիններից ստացված ձև թիվ 19՝ «Եկողի հասցեաթերթիկ»-ների և ձև թիվ 20՝ «Մեկնողի հասցեաթերթիկ»-ների մշակման արդյունքում ստացվել են միգրացիոն տեղաշարժերի վերաբերյալ եռամսյակային տվյալներ, որոնց հիման վրա կազմվել են բնակչության միգրացիոն տեղաշարժերի վերաբերյալ վիճակագրական ցուցանիշները: 2003թ.-ի 12 ամիսների ընթացքում ստացված եկող/մեկնողի հասցեաթերթիկների մշակման արդյունքում 2004թ. առաջին եռամսյակի ընթացքում իրականացվել են մեքենայական բազային ցուցանիշների խմբագրման և վերջնական ելքային ցուցանիշների ստացման աշխատանքները (12 ելքային աղյուսակներ):

Բնական շարժի ամսական և մեխանիկական շարժը բնութագրող եռամսյակային ցուցանիշների հիման վրա տարեկան և եռամսյակային պարբերականությամբ արդիականացվել են ՀՀ 2001թ. մարդահամարի հիմքով վարվող հանրապետության բնակչության թվաքանակի ցուցանիշները և թողարկվել են «ՀՀ բնակչության թվաքանակը» վիճակագրական տեղեկագրերը (01.01.04թ., 01.04.04թ., 01.07.04թ. և 01.10.04թ. դրությամբ):

Միջազգայնորեն ընդունված մեթոդաբանության համաձայն՝ իրականացվել է միջմարդահամարային տարիների՝ 1989-2001թթ. ժողովրդագրական ցուցանիշների վերահաշվարկ՝ բնակչության թվաքանակի, քաղաքային և գյուղական, սեռատարիքային բաշխումներով: Վերջիններիս հիման վրա վերագնահատվել են ծնելիության և մահացության ընդհանուր և տարիքային կտրվածքով ներկայացվող բոլոր հիմնական ցուցանիշները:

Արժույթի միջազգային հիմնադրամի Տվյալների տարածման հատուկ ստանդարտին Հայաստանի Հանրապետության անդամության շրջանակում՝ հուլիսի 30-ին՝ 2004թ. ապրիլ-հունիս և հոկտեմբերի 30-ին՝ 2004թ. հուլիս-սեպտեմբեր ամիսների «Բնակչություն» ենթաբաժնի համար պահանջվող տեղեկատվությունը հաշվարկվել և ներմուծվել է ՀՀ ԱՎԾ համապատասխան էջում: Հաշվետու ժամանակաշրջանում իրականացվել է Արժույթի միջազգային հիմնադրամի Տվյալների տարածման հատուկ ստանդարտի մեթատվյալների «Բնակչություն» ենթաբաժնին վերաբերվող փաթեթի հայերեն տարբերակի պատրաստումը:

ՄԱԿ-ի վիճակագրության բաժնի և մի շարք այլ միջազգային կազմակերպությունների հայցերով պատրաստվել և ներկայացվել է տեղեկատվություն՝ բնակչության թվաքանակի, սեռատարիքային կազմի, ծնելիության, մահացության, ամուսնության և ամուսնալուծության, կյանքի սպասվող տևողության մասին (երկմաս),

ինչպես նաև միգրացիոն տեղաշարժերի, եկողների և մեկնողների սեռա-տարիքային կազմի, կրթական մակարդակի, միգրացիայի ուղղությունների վերաբերյալ (երկմաս), տրամադրվել է նաև ՀՀ 2001թ. մարդահամարի արդյունքներով տեղեկատվություն՝ (եռամաս), ըստ իրենց կողմից ներկայացված հարցաթերթերի: